

## BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja  
i osiguranje kvaliteta/kvalitete  
Bosne i Hercegovine  
Banja Luka*



*Агенција за развој високог образовања  
и обезбјеђивање квалитета  
Босне и Херцеговине  
Бања Лука*

*Agency for Development of Higher Education and Quality Assurance of Bosnia and Herzegovina*

Broj: 05-33-1-99-32/19

Datum: 04.11.2020. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku akreditacije visokoškolske ustanove, odnosno studijskih programa **Univerziteta za poslovne studije**, a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i osiguranje kvaliteta (u daljem tekstu: Agencija) daje:

### PREPORUKU

o akreditaciji visokoškolske ustanove **Univerzitet za poslovne studije**

### Obrazloženje

Dana 06.03.2019. godine Agencija je zaprimila od Agencije za akreditaciju visokoškolskih ustanova Republike Srpske (u daljem tekstu: HEAARS) Prijedlog za imenovanje komisije stručnjaka za akreditaciju visokoškolske ustanove Univerzitet za poslovne studije, broj: 01/1.5.40-2-5/18 od 04.03.2019. godine, kojim je predložen minimalan broj članova Komisije stručnjaka po svakoj kategoriji. Agencija je, nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11 i 26/19) (u daljem tekstu: Odluka o normama), u skladu sa članom 49. alineja 4) Okvirnog zakona, imenovala Komisiju stručnjaka Rješenjem broj: 05-33-1-99-6/19 od dana 12.03.2019. godine.

Dana 28.06.2019. godine HEAARS je ovoj Agenciji dostavila Zahtjev za izdavanje preporuke o akreditaciji za visokoškolsku ustanovu **Univerzitet za poslovne studije** i 13 studijskih programa. U prilogu Zahtjeva dostavljeno je „Mišljenje o eksternoj evaluaciji Univerziteta za poslovne studije i 13 studijskih programa“, uz napomenu da je Akreditacijsko vijeće HEAARS-a donijelo zaključak kojim se daje preporuka HEAARS-u da pokrene postupak izdavanja Rješenja o akreditaciji predmetne visokoškolske ustanove i studijskih programa. Također,

[www.hea.gov.ba](http://www.hea.gov.ba), e-mail: [info@hea.gov.ba](mailto:info@hea.gov.ba)

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

dostavljena je i informacija da je Univerzitet za poslovne studije dao saglasnost na Izvještaj Komisije stručnjaka koji im je prethodno dostavljen.

Obzirom na to da uz pomenuti Zahtjev za preporuku nije dostavljen Izvještaj komisije stručnjaka Agencija je dana 09.07.2019. godine zatražila od HEAARS-a dostavljanje kompletnog izvještaja komisije stručnjaka za predmetnu visokoškolsku ustanovu i izvještaje recenzenata o studijskim programima, a sve to kako bi Agencija mogla dalje postupati u skladu sa važećim zakonskim i podzakonskim aktima.

Dana 18.07.2019.godine od strane HEAARS-a je zaprimljen Zahtjev za preporuku o akreditaciji predmetne visokoškolske ustanove i 13 studijskih programa, u prilogu pomenutog Zahtjeva dostavljena je ovjerena kopija Izvještaja o eksternoj evaluaciji za Univerzitet za poslovne studije.

Analizirajući dostavljeni Izvještaj Komisija za davanje preporuke je Zapisnikom, broj: 05-33-1-99-11/19 od 01.08.2019. godine, konstatovala određene nedostatke kako u smislu strukture pisanja Izvještaja, tako i opisa ispunjenosti zahtjeva kriterija, te zaključkom predložila direktoru Agencije da postupi u skladu sa članom 7. stav 2) Instrukcije o načinu davanja preporuke o akreditaciji, a koji kaže da Agencija može od komisije stručnjaka zatražiti pojašnjenja ako izvještaj komisije stručnjaka ne daje na adekvatan način dovoljno informacija o jednom ili više kriterija. S tim u vezi, Agencija je dana 13.08.2019.godine dopisom, broj: 05-33-1-99-12/19, od HEAARS-a tražila dopunu pomenutog Izvještaja, koja do danas nije dostavljena. Umjesto tražene dopune na pomenuti dopis Agencije 13.02.2020.godine dostavljen je još jedan Zahtjev za izdavanje preporuke o akreditaciji od strane HEAARS-a, a dana 24.02.2020. godine Ministarstvo za naučnotehnoški razvoj, visoko obrazovanje i informatičko društvo Republike Srpske je dostavilo Rješenje o akreditaciji radi upisa u Državni registar akreditovanih visokoškolskih ustanova u BiH. Nakon intenzivne korespondencije sa HEAARS-om i Ministarstvom za naučnotehnoški razvoj, visoko obrazovanje i informatičko društvo Republike Srpske direktor Agencije je Rješenjem, broj: 05-33-1-99-20/19 od 09.06.2020.godine, imenovao komisiju za ocjenjivanje usklađenosti rješenja o akreditaciji predmetne visokoškolske ustanove, a koja je svojim Zapisnikom konstatovala da nije moguće utvrditi da li je rješenje o akreditaciji visokoškolske ustanove, odnosno studijskog programa, usklađeno sa minimalnim standardima u području visokog obrazovanja i kriterijima za akreditaciju, odnosno da je Rješenje o akreditaciji predmetne visokoškolske ustanove doneseno bez preporuke o akreditaciji. Nakon toga je direktor Agencije donio Rješenje, broj: 05-33-1-99-22/19 od 09.07.2020.godine, kojim se odbija zahtjev za izdavanje preporuke o akreditaciji predmetne visokoškolske ustanove i 13 studijskih programa.

Dana 08.10.2020. godine Agencija je Zahtjevom broj: 05-33-1-99-26/19, od imenovanih članova Komisije stručnjaka tražila pojašnjenja Izvještaja. U prilogu pomenutog Zahtjeva članovima Komisije stručnjaka dostavljen je ranije pomenuti zahtjev za dopunom Izvještaja dostavljen HEAARS-u, broj: 05-33-1-99-12/19 od 13.08.2019.godine.

Dana 29.10.2020.godine, od strane Komisije stručnjaka dostavljeno je "Pojašnjenje Izvještaja o eksternoj evaluaciji Univerziteta za poslovne studije", u kojem Komisija stručnjaka dostavlja pojašnjenje za svaki od propisanih kriterija, a kako je traženo pomenutim Zahtjevom Agencije.

Uvidom u dostavljenu ovjerenu kopiju i naknadno dostavljeno pojašnjenje Izvještaja Komisije stručnjaka utvrđeno je sljedeće:

- formalna cjelovitost Izvještaja;
- da je Izvještaj napisan na jednom od službenih jezika u Bosni i Hercegovini, te
- da je u skladu sa Odlukom o normama, Odlukom o kriterijima za akreditaciju visokoškolskih ustanova u BiH.

U skladu s Odlukom o normama, Komisija stručnjaka je ocjenila ispunjenost deset kriterija za akreditaciju opisnim ocjenama, kako slijedi:

- a) Politika osiguranja kvaliteta: *znatno ispunjen*
- b) Izrada i odobravanje programa: *znatno ispunjen*
- c) Učenje, podučavanje i vrednovanje usmjereni na studenta: *znatno ispunjen*
- d) Upis i napredovanje studenata, priznavanje i certificiranje: *znatno ispunjen*
- e) Nastavno osoblje: *znatno ispunjen*
- f) Resursi za učenje i podrška studentima: *znatno ispunjen*
- g) Upravljanje informacijama: *znatno ispunjen*
- h) Informisanje javnosti: *znatno ispunjen*
- i) Kontinuirano praćenje i periodična revizija programa: *znatno ispunjen*
- j) Periodično vanjsko osiguranje kvaliteta: *znatno ispunjen*

Visokoškolska ustanova bi trebala po prijemu Rešenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvata:

- imenovane odgovorne osobe za pisanje, provođenje i praćenje realizacije Akcionog plana sa jasno definisanim odgovornostima
- vremenski okvir za realizaciju preporuka kao i potrebne finansijske i ljudske resurse
- definisane mjerljive indikatore za praćenje realizacije Akcionog plana

Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, daje preporuku nadležnoj obrazovnoj vlasti da izda rješenje o akreditaciji visokoškolske ustanove **Univerzitet za poslovne studije**, te isto dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH, a sve u svrhu upisa predmetne visokoškolske ustanove u Državni registar akreditovanih visokoškolskih ustanova u Bosni i Hercegovini.



Direktor

*Prof. dr. Enver Halilović*  
Prof. dr Enver Halilović

Dostaviti:

- Agencija za akreditaciju visokoškolskih ustanova Republike Srpske (HEAARS)
- Univerzitet za poslovne studije
- Sektor 05
- a/a

www.hea.gov.ba, e-mail: info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302